




Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Մտեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

159

ՀԱՅԱՍՏԱՆԻ ՍՈՑԻԱԼԻՍՏ. ԽՈՐՀ. ՀԱՆՐԱՊԵՏՈՒԹՅՈՒՆ
Պրոլետարներ բոլոր լիակրների, միացե՛ք:

159 =

ՍՈՑ. ԴԱՍՏ. ԳԼԽ. ՎԱՐՉՈՒԹՅՈՒՆ

ԿԱՆՈՆԱԴՐՈՒԹՅՈՒՆՆԵՐ

ՊԵՏԱԿԱՆ ՀՐԱՏԱՐԱԿՉՈՒԹՅՈՒՆ
1925


341/2017

Պոլիսարներ բոլոր յերկրների, միացե՛ք:

Հ. Ս. Խ. Հ.

ՍՈՑ. ԴԱՍՏ. ԳԼԽ. ՎԱՐՉՈՒԹՅՈՒՆ

ԿԱՆՈՆԱԴՐՈՒԹՅՈՒՆՆԵՐ



ՊԵՏԱԿԱՆ ՀՐԱՏԱՐԱՆՈՒԹՅՈՒՆ

1925

Ե Ա Ն Ո Ն Ա Դ Ր Ո Ւ Թ Յ Ո Ւ Ն ԱՇԽԱՏԱՆՔԻ ՄԻԱՍՆԱԿԱՆ ԴՊՐՈՑԻ

Ա. ԸՆԴՀԱՆՈՒՐ ՀԻՄՈՒՆՔՆԵՐ

1. Բուրժուական հասարակության մեջ դպրոցը ողտազործվում է իբրև աշխատավոր դասակարգերի շահագործման հոգևոր գործիք: Պրոլետարիատի դիկտատուրայի վրա կառուցված խորհրդային հանրապետության մեջ Աշխատանքի Միասնական դպրոցի նպատակն է ստեղծել կոմունիստական հասարակության կառուցման համար մարտիկների մի նոր սերունդ, վորը պիտի ոժտված լինի կոլեկտիվիզմի հոգեբանությամբ, ամուր կամքով, անհրաժեշտ հասարակական վորակավորմամբ և մատերիալիստական աշխարհայացքով, հիմնված բնության և հասարակության զարգացման օրենքների գիտության վրա:

2. Աշխատանքի Միասնական դպրոցում սովորում են 8—17 տարեկան (ներառյալ) յերեխաներ, կազմելով ըստ հասակի 9 խումբ՝ յուրաքանչյուրը միամյա դասընթացով:

Ծանոթություն.— Դպրոցական Խորհրդի վորոշմամբ Թույլատրվում է ընդունել աշակերտներ, վորոնց հասակը տվյալ խմբի համապատասխան հասակից մի տարով ցած կամ յերեք տարով վեր կարող է լինել:



1-240699

3. 9-ամյա դասընթացը սահմաններում Աշխատանքի Միասնական դպրոցն ունի հետևյալ տիպերը.

ա) Առաջին աստիճանի դպրոց՝ 8—12 տարեկան (ներառյալ) յերեխաների համար, վորն ունի չորս խումբ:

բ) Յերկրորդ աստիճանի դպրոց՝ 12—17 տարեկան (ներառյալ) պատանիների համար, վորն ունի հինգ խումբ և բաժանվում է յերկու լիակատար կոնցենտրի—առաջինը՝ առաջին առաջին յերեք տարին և յերկրորդը՝ ուսման վերջին յերկու տարին:

գ) Յոթնամյա դպրոց՝ 8—15 տարեկան (ներառյալ) յերեխաների համար, վորն ունի յոթ խումբ: Այդ դպրոցի վերջին յերեք խմբերը իրենց ծրագրով պետք է համապատասխանեն Բ. աստիճանի դպրոցների առաջին կոնցենտրին:

դ) Գյուղյերիտդպրոց՝ 13—18 տարեկան (ներառյալ) պատանիների համար յերեք տարվա դասընթացքով, հիմնված Ա. աստիճանի քառամյա դպրոցի վրա:

յե) Իննամյա դպրոց՝ 8—17 տարեկան (ներառյալ) յերեխաների և պատանիների համար, վորն ունի ինը խումբ. Ա. և Բ. աստիճանի դպրոցների լիակատար դասընթացքով:

4. Ա. աստիճանի դպրոցի առաջին խումբն առանց քննության ընդունվում են 8 տարեկան հասակի բոլոր յերեխաները:

Ծանոթութլուն.—Բ. աստիճանի դպրոցի բոլոր և Ա. աստիճանի դպրոցի միջանկյալ խմբերն ընդունելու համար կանոններ սահմանում են Լուսժողկոմատը:

5. Աշխատանքի Միասնական դպրոցում յերկուսուր յերեխաները սովորում են միասին:

6. Դպրոցում արգելվում է վորեւ կրոնական հավատքի դասավանդումը, ինչպես և կրոնական պաշտամունքի ծիսակատարութլունը:

7. Աշխատանքի Միասնական բոլոր տիպի դպրոցները պետական են: Մասնավոր դպրոցների գոյութլունը չի թույլատրվում:

8. Աշխատանքի դպրոցում սահմանվում են հետեւյալ պաշտոնները.

1) Դպրոցի վարիչ.

2) Դպրոցական աշխատավորներ.

3) Դպրոցական բժիշկ.

4) Տեխնիքական աշխատավորներ:

Ամեն մի կատեգորիայի պաշտոնյաների թիվը սահմանվում է որենսդրական կարգով հաստատված շտատներով:

Ծանոթութլուն.—Բ. աստիճանի բոլոր դպրոցներում և 5-ից վոչ պակաս խումբ ունեցող մյուս Դպրոցներում սահմանվում են Դպրոցական Խորհրդի քարտուղարի պաշտոն:

9. Յուրաքանչյուր դպրոց ունի յուր Դպրոցական Խորհուրդը, վորի ֆունկցիաները սահմանվում են ներկա կանոնադրութլան 21, 22, 23 և 24 հոդվածներով:

Բ. ԴՊՐՈՑԻ ՎԱՐՉՈՒԹՅՈՒՆ

10. Դպրոցի մանկավարժական, տնտեսական և վարչական մասի պատասխանատու ղեկավար հանդի-

սանուս և դպրոցի վարիչը, վորն և նախագահում և
Դպրոցական խորհրդում:

Ծանոթություն.— Գավառական Լուսա-
վորության բաժնի թույլտվությամբ վարի-
չը կարող է տնտեսական մասը վստահել մի-
այլ աշխատավորի վարելու, սակայն վեր-
ջինիս կատարած աշխատանքի պատասխա-
նատուն մնում է ինքը՝ վարիչը:

11. Դպրոցի վարիչին նշանակում և Գավուսբա-
ժինը մանկավարժական փորձ ունեցող անհատներից:
Վարիչի պաշտոնի համար թեկնածու կարող են առա-
ջարկել թե՛ Դպրոցական խորհուրդը և թե՛ արհեստակ-
ցական կազմակերպությունները:

Ծանոթություն.— Դպրոցական խորհրդի
քարտուղարի թեկնածուներ առաջարկում են
վարիչը կամ Դպրոցական խորհուրդը ման-
կավարժական կազմից և հաստատում է
Գավուսբաժինը:

12. Դպրոցի վարիչի պարտականությունն է հե-
տևել, վոր դպրոցում ուսման և դաստիարակության
գործը ընթանա Աշխատանքի դպրոցի հիմնական սկզբ-
բունքների—աշակերտական ինքնավարության, ման-
կական աշխատանքի կազմակերպության, աշակերտու-
թյան քաղաքական դաստիարակության համաձայն:

13. Դպրոցական շենքը կարգ ու կանոնի մեջ
պահելու հոգսը, նրա վերանորոգության, տաքացնե-
լու, լուսավորելու, տնտեսական և ուսումնական բոլոր
անհրաժեշտ պարագաներն ու նյութերը հայթհայթե-
լու պարտականությունն ընկնում է վարիչի վրա:
Վերջինս յուր ստորագրությամբ դպրոցի անունից վա-

րում և նրա ամբողջ գրադրությունը և կազմում հաշ-
վետվությունը:

14. Դպրոցի վարիչը կամ նրա հանձնարարու-
թյամբ դպրոցական աշխատավորներից վորեւ մեկը
թե՛ մանկավարժական և թե՛ տնտեսական խնդիրների
վերաբերյալ պարբերաբար զեկուցումներ և ներկա-
յացնում գյուղխորհուրդների և շրջխորհուրդների պլե-
նումների, արհեստակցական կազմակերպությունների
ժողովներին և աշխատավորության մասնակցությամբ
տեղի ունեցող Դպրոցական խորհրդի հաշվետու նիս-
տերին:

15. Վարիչն անձնապես պատասխանատու յե դպ-
րոցական կարգի խանգարման, դպրոցական նյութի
փչացման և կորստյան համար՝ վարչական և դատա-
կան կարգով:

16. Վարիչի բացակայության դեպքում, յեթե
այդպիսին կա, նրա տեղակալը կատարում է ամբողջ
աշխատանքը և կրում նախորդ կետում հիշված պա-
տասխանատվությունը:

Գ. ԴՊՐՈՑԱԿԱՆ ԱՇԽԱՏԱՎՈՐՆԵՐ

17. Դպրոցական աշխատավորներին նշանակում
և Գավուսբաժինը: Թեկնածուներ կարող են առաջար-
կել թե՛ դպրոցի վարիչը և թե՛ արհեստակցական կազ-
մակերպությունները՝ Լուսժողովմատի սահմանած պա-
հանջներին բավարարող անձնավորություններից: Հա-
վասար պայմաններում գտնվող թեկնածուներից ա-
ռաջնությունը տրվում է հասարակական ավելի ստատ-

ունեցողներին: Դպրոցական աշխատավորներին պաշտոնից արձակել կարող ե միայն Դավլուսբաժինը:

Ծանոթություն.— Դպրոցական բժշկին նշանակում ե Դավլուսբաժինը գավառական Առբաժնի համաձայնությամբ:

18. Դպրոցական աշխատավորները, Դպրոցական Խորհրդի աշխատանքի բաշխման և վարիչի ղեկավարող ցուցմունքների համաձայն՝ կատարում են ուսումնական դաստիարակչական աշխատանքներ:

19. Բժշկի պարտականությունն ե պարբերաբար բժշկական քննության յենթարկել աշակերտներին, հետեել նրանց առողջության, դպրոցի սանիտարական վիճակին և ղեկավարել դպրոցի սանիտարական լուսավորության գործը:

Ծանոթություն.— Դպրոցում բժշկա-սանիտարական միջոցներ գործադրվում են Առժողկոմատին կից «Ցերեխաների առողջության պահպանության խորհրդի» կանոնների ու հրահանգների համաձայն:

20. Դպրոցի տեխնիքական կազմը նշանակում և արձակում ե դպրոցի վարիչը Լուսբաժնի սանկցիայով: Տեխնիքական աշխատավորները յենթարկվում են վաբիչին և իրենց ամբողջ աշխատանքը դպրոցում կատարում նրա կարգադրություններով և ցուցմունքներով:

Դ. ԴՊՐՈՑԱԿԱՆ ԽՈՐՀՈՒՐԴ

21. Դպրոցական Խորհրդի մեջ մտնում են դպրոցական բոլոր աշխատավորները, տեխնիքական կազմից մի ներկայացուցիչ և բժիշկը: Դպրոցական Խոր-

հրդին մասնակցելու համար իրավունք ունեն Գյուղ կամ Քաղխորհրդի, Կոմյերիտմիության, Պիոներական Փորպոստի մի-մի մշտական ներկայացուցիչները՝ վճռողական ձայնով:

Դպրոցի Խորհրդում վճռական ձայնով մասնակցում են նաև աշակերտական ինքնավարության ներկայացուցիչները, թվով վոչ ավելի, քան Դպրոցական Խորհրդի մյուս անդամների թվի մի յերրորդը:

Ծանոթություն.— 1. Այն դպրոցներում, վորտեղ սովորում են սեփական դպրոց չունեցող Մանկատների յերեխաները, Դպրոցական Խորհրդի մեջ մտնում ե նաև ամեն մի մանկատան դաստիարակների կուլլեկտիվից մի-մի ներկայացուցիչ՝ վճռական ձայնով:

Ծանոթություն.— 2. Բանվորական շրջաններում Դպրոցական Խորհրդում մտնում ե տեղկոմների ներկայացուցիչը:

22. Վարիչի հրավերով Դպրոցական Խորհուրդը գումարվում ե առնվազն ավիսը մի անգամ և զբաղվում հետեյալ խնդիրներով.—

ա. Ծանոթանում ե Կենտրոնից և Դավլուսբաժնից ստացած կարգադրություններին, հրահանգներին և քննության առնում նրանց կիրառման միջոցները:

բ. Հաստատում ե դպրոցական աշխատավորների ձեռքով (Լուսժողկոմատի և ուսումնական պլանի համաձայն) կազմած ամեն մի խմբի առանձին և ամբողջ դպրոցի պարապմունքի ծրագրերն ու ուսման պլանը:

գ. Սահմանում ե ուսուցման մեթոդները:

դ. Կազմակերպում է աշակերտության աշխատանքն ու հանգիստը:

յե. Դպրոցական պարապմունքները բաշխում է ըստ շաբաթվա որերի և ժամերի:

զ. Պարբերաբար լսում է դպրոցական աշխատավորների և աշակերտության ներկայացուցիչներին՝ զեկուցումները նախագծված աշխատանքի իրականացման, տեղի ունեցած շեղումների և աշակերտության առաջադիմության մասին:

ե. Քննում է ընդունելության, խմբերի դասավորության, խմբից-խումբ փոխադրվելու դպրոցի կամ վորեն խմբակի դասընթացքն ավարտողներին վկայական տալու խնդիրը:

ը. Լսում է դպրոցի հասարակական աշխատանքների և ազգաբնակչության այս կամ այն խմբակցության՝ դպրոցին ցույց տված աջակցության մասին՝ յեղած զեկուցումները և քննում դրանց վերաբերվող հաշվետվությունները:

թ. Սահմանում է այն միջոցները, վորոնցով հընարավոր է հաստատված հրահանգների և կանոնների հիման վրա հաշվի առնել և ստուգել աշակերտների աշխատանքները:

ժ. Բաշխում է դպրոցական աշխատավորներին, առարկայական սեկցիաների և խմբակային հանձնաժողովների միջև դպրոցի ուսման-դաստիարակչական աշխատանքները և ոժանդակ հիմնարկների գործերը:

ժա. Քննում է հաստատում է դպրոցի մանկավարժական աշխատանքների հաշվառքը:

ժբ. Դիմումներ և ուղղում Գավուսբաժնին այս կամ այն աշակերտին դպրոցից հեռացնելու մասին:

ժգ. Քննում է առնում դպրոցական գործնավելի լավ հիմքերի վրա դնելու նախագծերը:

ժդ. Քննում է աշակերտության կյանքի և աշխատանքի մասին ներկայացրած հայտարարությունները:

Ծանոթություն—Վերոհիշյալ հոդվածում մատնանշվածից զատ՝ Դպրոցական խորհուրդը զբաղվում է նաև այն խնդիրներով, վոր առաջարկում են Գավուսբաժինը, դպրոցի վարիչը և կամ խորհրդի այլ անդամները՝ դպրոցի ուսումնա-դաստիարակչական գործի վերաբերյալ:

23. խորհրդի վորոշումներին համաձայն չլինելու դեպքում վարիչը կենսագործում է իր տեսակետը, ներկայացնելով յուր և Դպրոցական խորհրդի տարաձայնությունները Գավուսբաժնի հայեցողության:

24. Բացառիկ դեպքերում վարիչն անձնական պատասխանատվությամբ կարող է լուծել 22 հոդվածում մատնանշված խնդիրները՝ առանց նախապես քննության դնելու Դպրոցական խորհրդում, սակայն այդ մասին պարտավոր է զեկուցել խորհրդին մերձապես նիստում:

Ծանոթություն—Թե Դպրոցական խորհրդի և թե նրան կից կազմված հանձնաժողովների նիստերի արձանագրությունների պատճենները, ինչպես և Դպրոցական խորհրդի մեթոդիկ աշխատանքի հաշվառքը ներկայացվում է Գավուսբաժնին ամսե-ամիս, յեռամսյակների և տարվա վերջին:

36. ԱՇԽԱՏԱՆԻԹՅՈՒՆ

25. Յեթն դպրոցական ցանցը հնարավորություն է ընձեռում դպրոց ընդունել 8—17 տարեկան բոլոր յերեխաներին, նախապատվությունը տրվում է աշխատավորների յերեխաներին:

26. Ամեն մի աշակերտ, վոր ունի վորևե դասընթացքի վկայական, առանց քննության ընդունվում է դպրոցի համապատասխան խումբը:

27. Աշխատանքի Միասնական դպրոցի քառամյա, յոթնամյա և լիակատար իննամյա դասընթացքներն ավարտողներն ոգտվում են՝ 1-ը տարրական պրոֆտեխնիքական դպրոց, 2-դը՝ տեխնիկում և 3-դը՝ բարձրագույն դպրոց մտնելու իրավունքով, համաձայն Լուսժողկոմատի այդ առթիվ մշակած կանոնների:

28. Աշակերտությանը մի խմբից մյուսը փոխադրելը և դպրոցի կամ նրա խմբերից վորևե մեկի ավարտման մասին վկայականներ տալը տեղի յե ունենում Դպրոցական Խորհրդի վորոշմամբ՝ համաձայն Լուսժողկոմատի այդ առթիվ տրված հրահանգների:

29. Ուսման տարվա ընթացքում աշակերտությանը յերեք անգամ յենթարկվում է բժշկական քննության՝ պարզելու նրա ֆիզիքական և հոգեկան առողջության վիճակը:

2. ՈՒՍՈՒՄՆԱԿԱՆ-ԳԱՍՏԻԱՐԱԿԱՆ ԱՇԽԱՏԱՆԻԹՅՈՒՆ

30. Ուսման նյութի ծավալն ու բովանդակությունը սահմանվում է Լուսժողկոմատի հրատարակած պարտադիր ծրագրերով:

31. Պոլիտեխնիքական կրթության սկզբունքներից յեղնելով, Աշխատանքի Միասնական դպրոցը հիմնվում է արտադրական աշխատանքի, նրա պրոցեսների և նրա կազմակերպության բազմակողմանի ուսումնասիրության վրա:

Դպրոցի աշխատանքը պետք է հենվի շրջապատող իրականությանը, սերտ կերպով կապված լինի տեղական արտադրության հետ: Արտադրական աշխատանքը (գյուղատնտեսական և այլն) խոշոր տեղ է բռնելու դպրոցում:

32. Դպրոցական աշխատանքը և դպրոցական կյանքի ամբողջ կազմակերպությունը պետք է նպաստի աշակերտներին ձեռք բերելու ընդհանուր ունակություններ, կազմակերպելու նրանց սոցիալական բնագոյները և պատրաստելու հասարակական-քաղաքական գործունեության համար, (դպրոցում և դպրոցից դուրս տարվող կոլլեկտիվ աշխատանքի, աշխատավորական մասսաների և նրա կազմակերպությունների հետ կապ պահպանելու, պատանեկական կազմակերպության, խմբական ընթերցանությունների, զրույցների և այլ միջոցներով):

33. Աշխատանքի Միասնական դպրոցում սահմանվում է աշակերտական ինքնավարություն, վորի հիմունքները մշակում է Լուսժողկոմատը:

Ծանոթություն.— Կոմյերիտիությունը և պիոներական կազմակերպությունը աշակերտական միության մեջ հանդես են գալիս՝ առաջինն իր բջիջով և յերկրորդը՝ ֆորպոստով: Սրանցից յուրաքանչյուրը մի-մի ներկայացուցիչ է տալիս Աշակերտական Խորհրդին:

34. Դպրոցում արգելվում է պատիժը:

35. Դպրոցական պարապմունքների տևողությունը, ինչպես և ընդմիջումները վորոշում է Լուսբաժինը՝ Սոցգասպլիվարի համաձայնությունով:

36. Դպրոցը տոնում է միմիայն որոշվող սահմանված տոները:

Ե. ԴՊՐՈՑԻ ԻՐԱՎՈՒՆՔՆԵՐԸ

37. Դպրոցի ամբողջ գույքը—կահ կարասիքը, սարք ու կարգը, ուսումնական պիտույքները, գրադարանը ևայլն—մնում է վորպես պետական սեփականություն Լուսբաժնի հաշվին և կարող է ոտարացվել և հանձնվել այլ հիմնարկների կամ անհատների միայն Դավլուբաժնի վորոշմամբ:

38. Դպրոցին հատկացվում է վորոշ հողամաս Լուսժողկոմատի և Զողժողկոմատի կողմից ընդունված նորմերի համաձայն:

39. Համաձայն գոյություն ունեցող կանոնների, յուրաքանչյուր դպրոց ունի յուր կնիքը:

Ը. ԴՊՐՈՑԻ ՏՆՏԵՍԱԿԱՆ ՄԱՍԸ

40. Դպրոցի տարեկան բյուջեն կազմվում է ֆինանսական և հատուկ ֆոնդից:

41. Յուրաքանչյուր տարվա համար դպրոցը կազմում է նախահաշիվ հիմնական ֆոնդի, վորը լսում է ընդհանուր պետական նախահաշվի մեջ, և հատուկ ֆոնդի ու ներկայացությունում համապատասխան որպանների ի հաստատություն:

42. Հիմնական ֆոնդի ծախքերն են՝ աշխատավարձը, ուսումնական, տնտեսական և մանր նորոգությունների, փոստ-հեռագրական, լույսի, ջրի, վառելիքի ծախսերը և շենքի վարձը:

43. Ամեն մի դպրոցական հիմնարկ կարող է կազմել հատուկ դրամական ֆոնդ «..... դպրոցի հատուկ միջոցներ» անունով:

Հիշյալ ֆոնդը կազմվում է.—

ա) Ուսման վճարի զանձումներից, վորտեղ այդպիսին սահմանված է:

բ) Արհեստանոցների, խորհրդային տնտեսությունների յեկամուտներից և դպրոցական ոժանդակ հիմնարկների տնտեսական ոգտագործման և այլ տեսակի մուտքերից:

գ) Դպրոցական հիմնարկների կազմակերպված արտադրական ձեռնարկների յեկամուտներից:

դ) Պետական և հասարակական հիմնարկներից ստացվող ոժանդակություններից:

յ) Մասնավոր անձանց նվիրաբերություններից և այլ պատահական մուտքերից:

44. Հիշյալ հատուկ միջոցները մուծվում են դպրոցական հիմնարկի մտից նախահաշվի մեջ, ըստ վորում այդ մուտքերի հաշվառումը նախահաշվային հատկումների կրճատման պատճառ չպիտի լինի:

45. Հատուկ միջոցները ծախվում են դպրոցի ոժանդակ հիմնարկների լրացման և կահավորման վրա, տնտեսական կարիքների համար՝ ի լրումն բյուջետային գումարների, ուսումնական մասի լրացուցիչ աշխա-

տանքները և շտատից դուրս մանկավարժական—տեխ-
նիքական պերսոնալ պահելու համար:

Ծանոթություն. — Հիշյալ միջոցները
գանձելու, պահպանելու, ծախսելու, ինչպես
և հաշիվ ներկայացնելու կարգը սահմանվում
է առանձին հրահանգով:

46. Դպրոցներին կից կազմակերպվում է դպրոցա-
տնտեսական հանձնաժողովներ, վորոնք դպրոցի նյու-
թական դրուժյան բարձրման համար ոգնում են կազ-
մակերպելու դպրոցական տնտեսութունը և ստեղծ-
ման յեկամուտի աղբյուրներ:

Ծանոթություն. — Դպրոցա-տնտեսական
հանձնաժողովները կազմակերպվում են հա-
տուկ կանոնադրության համաձայն:

Կ Ա Ն Ո Ն Ա Դ Ի Ո Ւ Թ Յ Ո Ւ Ն

ԳԱՎԱՌԱԿԱՆ ՄԵԹՈԴԱԿԱՆ ԲՅՈՒՐՈՅԻ

1. Սոցդաավարական դպրոցների մեթոդական աշ-
խատանքները խորացնելու նպատակով Լուսբաժնին կից
կազմակերպվում է Գավառական Մեթոդական բյուրո:
2. Մեթոդական բյուրոն մնայուն հիմնարկ է:
Դա մշակում է ծրագրային մեթոդական հարցեր, ման-
կավարժական փորձը և տեղերի հարցապնդումները հաշ-
վի առնում, խորհրդակցում ժողովրդական կրթության
հարցերի շուրջը, պրոպագանդ մղում ձեռք բերած նվա-
ճումների մասին և դեկավարում լուսաշխատավորների
փորակը բարձրացնելու աշխատանքները:
3. Գավառական Մեթոդական բյուրոն Լուսբաժնի
խորհրդատու մարմին է հանդիսանում:
4. Մեթոդական բյուրոյի մշտական կազմը հետև-
յալն է՝
ա) Լուսբաժնի վարիչ կամ Սոցդաավար (նախագահ),
բ) Տեղի աչքի ընկնող մանկավարժներ (3—5 անձ),
գ) Լուսաշխի ներկայացուցիչ,
դ) Լ. Կ. ՅԵ. Մ-ի ներկայացուցիչ,
յե) Ադիտ-Բաժնի կամ Բնդրուավարի ներկայա-
ցուցիչ:



Մանրորոշում. — Մեթոդական բյուրոն կարող է կոոպտացիայի իրավունքով մասնագիտական հարցերի քննության ժամանակ նիստերին հրավիրել մասնագետներին:

5. Լուսբաժինը Գավառական Մեթոդական բյուրոյին առաջադրում է կատարել հետևյալ խնդիրները՝

ա) մշակել տեղական պայմաններից բխող մանկավարժական—մեթոդական հարցեր և առաջադրել ուսումնական մանկավարժական խորհուրդներին զբաղվելու.

բ) կենտրոնում հաստատված, ծրագրերը և ուսումնական նախագծերը հարմարեցնել տեղական պայմաններին և ուղարկել ուսումնական մանկավարժական խորհուրդներին ի քննություն և ի գործադրություն.

գ) հաշվառման յենթարկել տեղական մանկավարժական փորձը.

դ) վորոշել զանազան հիմնարկներում աշխատանքի ուսումնասիրության ձևերը.

յե) կազմակերպել զրույցներ և խորհրդակցություններ սոցիալաշխատավորների համար.

զ) համագումարներում, կոնֆերանսներում, խմբակային և դասընթացային զբաղմունքների միջոցով կազմակերպված պրոպագանդ մղել աշխատանքի ամենանպատակահարմար ձևերի և նվաճումների մասին:

6. Հարկ յեղած դեպքում բյուրոն իրավունք ունի կազմակերպելու զանազան տեսակի մեթոդական կոմիտեաներ, աշխատանքի կոչելով զանազան խմբակների, կազմակերպությունների, հիմնարկների, մասնագետների և այլն:

7. Մեթոդական բյուրոն ծրագրային և մեթոդական հարցերով կապ է հաստատում Սոցիալգիտվարչության և նրա միջոցով Լուսժողովմատի Մեթոդական խորհրդի հետ և պարբերաբար հաշիվ ներկայացնում իր գործունեության մասին Լուսբաժին և Սոցիալգիտվարչության:

Սոցիալգիտվար՝

(Մուշեղյան)

Դպրոցական Բաժնի վարիչ՝

(Շավաթյան)

Քարտուղար՝

(Ա. Տեր-Արամյան)

ԿԱՆՈՆԱԴՐՈՒԹՅՈՒՆ

ՌԱՅՈՆԱԿԱՆ ՄԱՆԿԱՎԱՐԺԱԿԱՆ ԽՈՐՀՐԴԻ

1. Դյուղի ուսուցչության կողմից աշխատանքը, մանկավարժական և քաղաքական վերապատրաստությունը, դպրոցական շինարարությունն ու դպրոցի և ուսուցչության հասարակական աշխատանքները կազմակերպելու նպատակով հիմնվում են Ռայոնական Մանկավարժական Խորհուրդներ:

2. Գավառը ռայոնների բաժանելու իրավունքը վերապահվում է Լուսբաժնին, վորի հրահանգով ուսման տարեսկզբին տեղի յե ունենում Հ. Մ. Խորհրդի վերակազմությունը:

3. Ռ. Մ. Խորհրդի անդամներն են տվյալ ռայոնի դպրոցների բոլոր ուսուցիչները:

4. Ռ. Մ. Խորհրդի նախագահ ընտրվում է ռայոնի ամենապատրաստված և ամենափորձված ուսուցիչներից մեկը, վորին իր պաշտոնում հաստատում է Գավառաբաժինը: Խորհրդի անդամներից մեկն ընտրվում է քարտուղար:

5. Ռ. Մ. Խորհուրդը յենթարկվում է գավառական Սոցդասվարչության, վորից ստանում է մանկա-

վարժական ընդհանուր ղեկավարություն և վորին պարբերաբար հաշվետու լինում իր գործունեության համար:

6. Ռ. Մ. Խորհրդի նիստերը գումարվում են յերկու շաբաթ մի անգամ այդ ռայոնի գյուղերում փոխ առ փոխ: Ամեն մի նիստի որակարգը կազմվում է նախորդ նիստում գավառական Սոցդասվարի, Մեթոդական բյուրոյի, շրջանային դպրոցական հրահանգչի առաջարկներով կամ ինքնուրույնաբար:

Ծանոթություն.— Որակարգի խնդիրներ շուրջը գանազան ղեկուցումներ կամ գործնական բնույթ ունեցող աշխատանքներ կատարելը նախապես հանձնարարվում է Խորհրդի վորեւ անդամին կամ խմբակին, սեկցիային:

7. Ռայոնական Մանկավարժական Խորհրդի ըզբաղվունքի գլխավոր խնդիրներն են.—

Ա. Ուսուցչի մանկավարժական ու քաղաքական ինքնապատրաստությունը, վորն է՝

ա) դպրոցական ծրագրի և կոմպլեքսային սխտեմի դասավանդման ուսումնասիրությունը.

բ) ծրագրի հարմարեցումը տեղական պայմաններին ու պահանջներին.

գ) կազմակերպումը գավառի ուսումնասիրության.

դ) կազմակերպումը պարբերական փորձնական դասերի.

յե) ուսումնասիրությունը մանկավարժական մեթոդների ու հարակից հարցերի.

զ) մեթոդական ուսումնասիրությունը գործադրվող դասագրքերի և պիտույքների.

է) քաղաքագիտություն.

Բ. դպրոցական շինարարություն, այն ե.—

ա) դասական պիտույքների հայթայթումը, դըպրոցի կահավորումը, դպրոցական նոր շենքերի կառուցումը և հների վերանորոգումը.

բ) դպրոցական կոոպերատիվի կազմակերպումը.

գ) աշակերտական կենտրոնական ու շրջիկ գրադարաններ հիմնելը. դ) դպրոցական ջերմոց, ոռոգիչներ, թափանցողական կայան, թանգարան, լաբորատորիա, արհեստանոց, դեղատուն, բաղնիք ստեղծելը և այլն:

Գ. Դպրոցը հասարակական աշխատանքներին մասնակից դարձնելը, վորի խնդիրներն են.—

ա) դպրոցների փոխադարձ կապը և համագործակցությունը. բ) աշակերտության մասնակցությունը գյուղի տնտեսական շինարարության գործում, գ) աշակերտության մասնակցությունը գյուղի սանիտարական և կուլտ-կրթական ձեռնարկներում:

Դ. Ուսուցչի հասարակական աշխատանքը.—

ա) խորհրդային դպրոցի ուսուցչի տիպը պարզելը. բ) ուսուցչի մասնակցությունը գյուղի տնտեսական, սանիտարական և կուլտ-կրթական ձեռնարկներում. գ) ուսուցչին իբրև թղթակից:

8. Ռայոնական Մանկավարժական Խորհուրդը կարող է ունենալ սեկցիաներ՝ համապատասխան աշխատանքներ կատարելու կամ հարցերն ուսումնասիրելու համար:

9. Ռ. Մ. Խորհուրդը հարկ յեղած դեպքում կարող է մասնագետ անձանց հրավիրել իր աշխատանքներին գործակցելու:

10. Ռ. Մ. Խորհրդի ղեկավարները կատարվում են ղեկավարների, մտքերի փոխանակության և գործնական աշխատանքների ձևով:

ԿԱՆՈՆԱԴՐՈՒԹՅՈՒՆ

ՊԻՈՆԵՐՍԿՆ ՓՈՐՊՈՍՏԻ

1. Միասնական Աշխատանքի Թե առաջին և Թե յերկրորդ աստիճանի յուրաքանչյուր դպրոցում՝ վորտեղ 10 հոգուց վոչ պակաս պիտներն են, անկախ այն հանգամանքից, Թե նրանք վոր կուլեկտիվից են, կազմակերպվում է պիոներների համախմբություն՝ «Պիոներական Ֆորպոստ» անունով:

Պիոներական Ֆորպոստը նպատակ ունի կազմակերպված ձևով դպրոցական աշակերտության վրա տարածել պիոներական ազդեցությունը:

2. Ֆորպոստ կազմակերպելու համար պատանիպիոներների գավառային կամ շրջանային բյուրոյի թույլտրվությամբ գումարվում է տվյալ դպրոցի պիոներների ընդանուր ժողով, վորտեղ ընտրվում է Ֆորպոստի պրիզիդիում՝ 3—5 անդամից:

3. Ֆորպոստը կուլեկտիվ չե և այդ պատճառով պիոներներ ընդունելու և դուրս անելու իրավունք չի վերապահվում նրան:

4. Պիոներական Ֆորպոստի անելիքներն են.— ա. աշակերտությանը մասնակից անել հասարակական-քաղաքական կյանքին և կանոնավորել նրա կապը

ըրջապատի կազմակերպությունների հետ՝ պիտներական, կոմյերիտական և կուսակցական կազմակերպությունների, մոտակա գործարհների, պրոֆսիտիոթյան, գյուղում փոխգկումի ևայլն: Դպրոցին մասնակից անել անցկացնելիք կամպանիաների, տոների և այլ աշխատանքներին:

բ. Բարձրացնել աշակերտության քաղաքական-կուլտուրական ժակարդակը և կանոնավորել դպրոցի ինքնավարությունը, մասնակցել Դպրոցական Խորհրդի կոմիսսիաներին, խմբակների աշխատանքներին, պայքարել հայրոցանքի, ծխելու դեմ ևայլն:

գ. Կապել դպրոցի կրթական աշխատանքը պիտներականի հետ և ընդհակառակը (աշակերտական և դպրոցական որգաններին ծանոթացնել պիտներական կազմակերպության աշխատանքին և ծրագրին, մասնակցել դպրոցական ծրագրների, շաբաթական որացույցների մշակման ու հարմարեցման աշխատանքներին ևայլն):

դ. Նոր դպրոցի շինարարության գործում աշխատավոր ուսուցչությանը և Դպրոցական Խորհրդին ոժանդակություն ցույց տալ, ոժանդակել կրթական աշխատանքների կանոնավորման, քաղաքական, հակակրոնական և ֆիզիքական դաստիարակության աշխատանքներին. նպաստել ուսուցչության և աշակերտության մեջ նորմալ փոխհարաբերություններ հաստատելու:

5. Յերկու շաբաթը մի անգամ հրավիրվում է Ֆորպոստերի ընդհանուր ժողով, վորը ղեկուցումներ և լուծմ և հաստատում աշխատանքների ծրագրերը, գանազան ներկայացուցիչներ և ընտրում և նրանց մի-

ջոցով ծանոթանում ու քննության է առնում Դպրոցական Խորհրդի և Աշակերտական Խորհրդի աշխատանքները ևայլն: Ընդհանուր ժողովի վորոշումները պարտադիր են անխտիր բոլոր պիտներների համար:

6. Ֆորպոստի պրիզիդիումը ղեկավարում է պիտների առորյա բոլոր աշխատանքները: Վորոշ հանձնարարություններ և անում յուրաքանչյուր պիտների: Դպրոցական գանազան կազմակերպությունների համար ներկայացուցիչներ և տալիս և նրանցից հաշվետըվություն պահանջում, ղեկավարում է նրանց, կիրառում է ընդհանուր ժողովի վորոշումները ևայլն:

7. Յեթե պրիզիդիումը բաղկացած է յերեք հոգուց՝ կազմվում է այսպես. նախագահ, փոխնախագահ, քարտուղար. սրանք ընտրվում են յերեք ամիսը մեկ անգամ: Պրիզիդիումը հետևում է Ֆորպոստի վորոշումտերի գործադրության, կապ է պահպանում Լուսբաժնի և ուրիշ կազմակերպությունների հետ. Ֆորպոստերի աշխատանքների համար պրիզիդիումը պատասխանատու է Գլխավորին ըյուրոյի առաջ:

8. Յուրաքանչյուր Ֆորպոստ կցված է մի կուլեկտիվի, վորին նա ծանոթացնում է իր աշխատանքներին: Կուլվարը պարտավոր է ներկա գտնվել Ֆորպոստի պրիզիդիումի ժողովներին, կազմակերպել Ֆորպոստի աշխատանքները, սակայն վոշ մի ճնշում, չըգործադրելով պրիզիդիումի և պիտներների ինքնուրույնության վրա:

9. Պատանի պիտներների բյորոյն կուլեկտիվականների միջոցով ղեկավարում է Ֆորպոստերի աշխատանքները, պարբերաբար գումարելով Ֆորպոստերի պրիզիդիումների և կուլեկտիվավարների ժողովներ:

10. Ֆորպոստի ամբողջ աշխատանքը (ընդհանուր ժողովներ և այլն) պետք է տարվի պարապմունքի ժամերից դուրս. ցանկալի յե ազատ որերին (ակումբի որը), վորպեսզի պիտոներենբը չըծանրաբեռնվեն:

11. Ֆորպոստի և պրիզիդիումի ժողովներին ցանկալի յե, վոր Մանկավարժական խորհրդի ներկայացուցիչը ներկա գտնվի. անհրաժեշտ է, վոր ուսուցիչները մաքսիմալ չափերով ոժանդակեն Ֆորպոստերին և ընդհակառակը:

12. Պիտներական Ֆորպոստն իր բոլոր աշխատանքները տանում է Աշակերտական խորհրդի գծով, վորտեղ աշխատում է ունենալ իր ներկայացուցիչները, և Դպրոցական խորհրդի գծով, վորտեղ մտնում է կոլլեկտիվավարը՝ վճռական ձայնի իրավունքով: Կոլլեկտիվավարն ոժանդակում է Ֆորպոստի վորոշումները և Պիտներական բյուրոյի ցուցմունքները կատարելուն:

13. Ֆորպոստի և Դպրոցական խորհրդի միջև ծագած բոլոր վեճերն ու թյուրիմացությունները պետք է քննության առնեն և հաթի Լ. Կ. Յե. Միության համապատասխան կոմիտեն, Սոցդաստվարչությունն ու Լուսբաժինը:

14. Այն դպրոցներում, վորտեղ Լ. Կ. Յե. Մ-ի բջիջ կա, Պիտներական Ֆորպոստն իր աշխատանքները համաձայնեցնում է նրան և իրագործում է նրա հրահանգները:

15. Պիտներական Ֆորպոստի պրիզիդիումի կազմը հաստատում է Պիտներական բյուրոն, վորի և պրիզիդիումը բոլոր աշխատանքների մասին կանոնավոր կերպով հաշիվ է տալիս:

ԿԱՆՈՆԱԴՐՈՒԹՅՈՒՆ

ԴՊՐՈՑԱԿԱՆ ԿՈՊՊԵՐԱՏԻՎԻ

1. ԸՆԴՀԱՆՈՒՐ ՀԻՄՈՒՆԲՆԵՐ.

1) Դպրոցական կոոպերատիվը կազմակերպվում է նպատակ ունենալով վարժեցնել յերեխաներին հասարակական և կոլլեկտիվ սովորույթներին, նպատակ նրանց ինքնագործունեյության և աշխատանքային ունակությունների զարգացմանը, բավարարել նրանց գրենական և դպրոցական կարիքներից բղխող այլ պիտույքների պահանջները, ցույց տալ նյութական փոխադարձ ոգնություն անդամ ընկերներին և նպաստել յերեխաների կոոպերատիվ դաստիարակման գործին:

2) 1-ն հոգվածում հիշված նպատակներին հասնելու համար կոոպերատիվը իրավունք ունի.—

ա) Աշակերտների և դպրոցական աշխատակիցների կարիքները բավարարելու համար բաց անել դասադրքերի, գրենական և այլ պիտույքների առևտուր:

բ) Կազմակերպել արհեստանոցներ, հիմնել ագարակներ և ունենալ ցանքսեր:

գ) Ցույց տալ ամեն տեսակի աջակցություն իր անդամներին կուլտուրական և ֆիզիքական զարգացմանը:

դ) Աշակերտների մեջ կոոպերատիվ գաղափարը տարածելու նպատակով կազմակերպել դասախոսություններ, ռեֆերատներ, ղեկուցումներ կոոպերացիայի շուրջը: Իր անդամներին մասնակից անել կոոպերացիայի աշխատանքներին և հրատարակել լրագրներ և ժուրնալներ:

3) Դպրոցական կոոպերատիվը, միացնելով աշակերտությանը, իրենից իրավաբանական անձնավորություն չի ներկայացնում:

2. ԿԱԶՄԸ. ԱՆԴԱՄՆԵՐԻ ԴԱՐՏԱԿԱՆՈՒԹՅՈՒՆՆԵՐՆ ՈՒ ԻՐԱՎՈՒՆԲՆԵՐԸ

4) Կոոպերատիվին անդամ կարող են լինել.....
.....դպրոցի բոլոր այն աշակերտները, վորոնք յենթարկվում են սույն կանոնադրության՝ անկախ նրանց տարիքից:

5) Կոոպերատիվի յուրաքանչյուր անդամը մուծում է մուտքի վճար և փայտվճար, վորոնց չափը վորոշում է կոոպերատիվ անդամների Ընդհանուր Ժողովի կողմից:

Ծանոթություն 1. Մուտքի վճարը հետ չի վերադարձվում վոչ անդամի հեռացման և վոչ ել նրա ինքնակամ հեռանալու դեպքում:

Ծանոթություն 2. Փայտվճարները կարող են մուծվել մաս-մաս՝ ժամկետներով, վորպիսիք վորոշվում են Ընդհանուր Ժողովի կողմից: Կոոպերատիվին մասնակցողների փայտվճարը նրանց ինքնակամ հեռանալու կամ հեռացվելու դեպքում վերադարձվում է անհապաղ:

6) Կոոպերատիվի յուրաքանչյուր անդամը պետք է յենթարկվի կոոպերատիվի անդամների Ընդհանուր Ժողովի ու Վարչության վորոշումներին:

7) Կոոպերատիվի յուրաքանչյուր անդամ պարտավոր է հաճախել Ընդհանուր Ժողովներին և կարող է բացակայել միայն հարգելի պատճառներով:

Ընդհանուր Ժողովը կարող է հեռացնել կոոպերատիվից յուր այն անդամներին, վորոնք խախտում են կոոպերատիվի վարչական մարմինների որինական պահանջները կամ գործում են կոոպերատիվի շահերի դեմ:

8) Կոոպերատիվի յուրաքանչյուր անդամ, յեթե ցանկանում է, կարող է ինքնակամ հեռանալ կոոպերատիվից, այդ մասին նախորդ ղեմում ներկայացրնելով:

9) Կոոպերատիվի յուրաքանչյուր անդամ ունի միայն մի ձայն իրավունք, վորը ուրիշին տալ չի կարող:

10) Անդամների Ընդունելությունը կատարվում է կոոպերատիվի վարչության միջոցով, վորի մասին հայտարարվում է Ընդհանուր Ժողովին ի գիտություն:

3. ԿՈՈՊԵՐԱՏԻՎԻ ԳՈՐԾԵՐԻ ՎԱՐՈՒՄԸ

11) Կոոպերատիվի գործերը վարում են՝ ա) Ընդհանուր Ժողովը և բ) Վարչությունը:

Ա. ԸՆԴՀԱՆՈՒՐ ԺՈՂՈՎ

12) Ընդհանուր Ժողովը լինում է հերթական՝ յերեք ամիսը մի անգամ (յուրաքանչյուր յեռամսյակի վերջը)

և արտակարգ՝ վորը հրավիրվում է կոռպերատիվի վարչության հայեցողությամբ, Ստուգիչ Հանձնաժողովի, կամ Դպրոցական Խորհրդի պահանջներով, և կամ կոռպերատիվի անդամների ¹⁾ մասի դիմումով:

13) Ընդհանուր ժողովի իրավասության յենթակա յեն.—

ա) Վարչության և ստուգիչ հանձնաժողովի ընտրությունը.

բ) Վարչության հաշվետվության, նախահաշվի և կոռպերատիվի գործունեության ծրագրի հաստատումը.

գ) Սույն կանոնադրության կետերի փոփխումն և ավելացումը.

դ) Զանազան հանձնաժողովների ընտրություններ.

յե) Վարչության և Ստուգիչ Հանձնաժողովի գործունեության մասին յեղած գանդատների քննությունը

զ) Կոռպերատիվի գործունեության հետ կապ ունեցող և վարչության իրավասության մեջ չըմտնող բոլոր խնդիրների վճռումը:

14) Յուրաքանչյուր ընդհանուր ժողովի տեղի, ժամանակի, այլև որակարգի մասին Վարչությունը ժողովից 3 օր առաջ հայտարարություն է տալիս դպրոցում կամ դպրոցական թերթում:

15) Ընդհանուր ժողովը որինական է համարվում, յերբ ներկա յեն անդամների ²⁾/₃ մասից վոչ պակաս:

16) Ընդհանուր ժողովը բացվում է Վարչության նախագահի կամ նրան փոխարինողի կողմից:

17) Ընդհանուր ժողովի նախագահությունն ընտրվում է ընդհանուր ժողովում ներկա այն անդամներից, վորոնք չեն մտնում Վարչության և Ստուգիչ հանձնաժողովի կազմերի մեջ:

18) Ընդհանուր ժողովում հարցերը վճռվում են բաց քվեարկությամբ և ներկաների բացարձակ մեծամասնությամբ:

19) Ընդհանուր ժողովի արձանագրությունները վաղմվում ու ստորագրվում են ժողովի նախագահության կողմից և պահվում են հատուկ մատյանի մեջ:

Բ. ՎԱՐՉՈՒԹՅՈՒՆ

20) Կոռպերատիվի Վարչությունն ընտրվում է Ընդհանուր ժողովում կոռպերատիվի անդամներից, վոչ պակաս 3 անդամից և 2 թեկնածուից՝ 3 ամիս ժամանակով:

21) Նորընտիր Վարչության կազմի մեջ աշխատանքի հաջորդականության նպատակով անհրաժեշտորեն պետք է ընտրել նախկին Վարչության անդամներից գոնե մեկին:

22) Վարչության իրավասության ներքո յեն.—

ա) Կոռպերատիվի անդամների ընդունելությունը.

բ) Ընդհանուր ժողովի հրավիրումը.

գ) Կոռպերատիվի բոլոր գործերի ղեկավարումը.

դ) Սույն կանոնադրությունից բխող բոլոր հարցերի լուծումը և Ընդհանուր ժողովի վորոշումների կատարումը:

23) Վարչության անդամները իրենք են կատարում աշխատանքի բաշխումն իրենց մեջ:

24) Կոռպերատիվի Վարչության բոլոր վորոշումները արձանագրվում են համապատասխան մատյանի մեջ:

25) Բոլոր հարցերը վորոշվում են բաց քվեարկությամբ և Վարչության ադնամների մեծամասնության քվեով:

4. ՎԵՐՍՏՈՒԳԻՉ ՀԱՆՁՆԱԺՈՂՈՎ

26) Վերստուգիչ Հանձնաժողովը ընտրվում է Ընդհանուր ժողովում 3 անդամից և 2 թեկնածուից՝ 3 ամիս ժամանակով, վորը հսկում է կոոպերատիվի վարչության գործունեության վրա և ստուգում է նրա հաշիվները:

5. ԿՈՈՊԵՐԱՏԻՎԻ ՄԻՋՈՑՆԵՐԸ

27) Կոոպերատիվի միջոցները գոյանում են մուտքի վճարից, փայավճարներից, կոոպերատիվի գործառնությունից ստացված զուտ ոգուտից, փոխառություններից, նվերներից և կողմնակի այլ յեկամուտներից:

6. ՀԱՇՎԵՏԱՐՈՒԹՅՈՒՆ ՅԵՎ ՀԱՇՎԵՏՎՈՒԹՅՈՒՆ

28) Կոոպերատիվում տարվում են հաշվապահական գրքեր. —

1) Դրամական գումարների յեկ և մուտքի.

2) Ապրանքների յեկ և մուտքի.

3) Կոոպերատիվի անդամների, զանազան անձանց և հիմնարկությունների հաշիվների մասին:

29) Կոոպերատիվի վարչությունը կազմում է ամսական և հաշվապահական շրջանի գործունեության հաշվետվություն:

30) Կոոպերատիվի հաշվապահական շրջանը հաշվարկում է յեռամսյակներով:

7. ԿՈՈՊԵՐԱՏԻՎԻ ԼՈՒՄՈՒՄԸ

31) Կոոպերատիվը կարող է փակվել. —

ա) Ընդհանուր ժողովի վորոշմամբ, վորը պիտի հաստատվի Դպրոցական Խորհրդի կողմից.

բ) Յեթե անդամների թիվը 20-ից պակաս է և
գ) Դպրոցական Խորհրդի կամ Դավուաբաժնի վորոշմամբ:

32) Կոոպերատիվն իրավունք ունի ձուլվել այլ Դպրոցական կոոպերատիվի հետ, բաժանվել մի քանի բաժանմունքների և յուր գործունեությունը համաձայնեցնել յուր շրջանի նման կազմակերպությունների հետ:

33) Նախընթաց հողվածում նախատեսված գործողությունները թույլատրվում են կոոպերատիվի Ընդհանուր ժողովի վորոշումից հետո:

ԿԱՆՈՆԱԴՐՈՒԹՅՈՒՆ

ԴՊՐՈՑԱ-ՏՆՏԵՍԱԿԱՆ ՀԱՆՁՆԱԺՈՂՈՎԻ

1. Դպրոցի նյութական դրությունը բարձրագույն նպատակով այդ հիմնարկին կից կազմակերպվում է դպրոցա-տնտեսական հանձնաժողով:

2. Դպրոցա-տնտեսական հանձնաժողովի խնդիրներն են. —

ա) Հայթհայթել միջոցներ կամովին, միանվագ կամ պարբերական նվիրատվություններով, կազմակերպել վճարովի ներկայացումներ, համերգներ, դասախոսություններ և այլն:

բ) Ուսման թոշակ նշանակելու դեպքում ուսանողներին պարգևելու աշակերտների ծնողների նյութական դրությունը և աջակցել թոշակները հաջող կերպով ցանձելու (քաղաքներում և գյուղաքաղաքներում):

գ) Ոժանդակել, վորպեսզի Լուսբաժնի միջոցով այժայ հիմնարկին տնտեսական սպասարկումներ անելու նպատակով զանազան անհատների հետ կապված պայմանագրերն անշեղ կերպով կատարվեն:

3. Դպրոցա-տնտեսական հանձնաժողովն առանձնապես հոգ է տանում կազմակերպելու դպրոցական, հոգաբարձիների շահագործումը:

4. Դպրոցա-տնտեսական հանձնաժողովը գործա-

դրում է ամեն ջանք ստեղծելու դպրոցի համար յեկաժուտի ֆնայուն և ժամանակավոր աղբյուրներ:

5. Հիշյալ տնտեսական հանձնաժողովը պար. 2 ա. կետում ամեն տեսակի գանձումներն ու վճարումները պետք է հավաքի, խստորեն պահպանելով հոժարակամության սկզբունքը:

6. Դպրոցա-տնտեսական հանձնաժողով կազմակերպում է Լուսբաժինը (Դպրոցի Սորհուրդը):

7. Լուսբաժինը դպրոցա-տնտեսական հանձնաժողով ընտրելու համար դպրոցի աշակերտների ծնողներին, նաև այն քաղաքացիներին, վորոնք ցանկություն են հայտնում ոժանդակել այդ դպրոցի նյութական բարելավման, հրավիրում է ընդհանուր ժողովներ:

8. Դպրոցա-տնտեսական հանձնաժողովում կառող են ընտրվել այն քաղաքացիները, վորոնք ընտրողական իրավունք ունեն Հ.Ս.Ս.Հ. Սահմանադրության համաձայն:

9. Քաղաքներում դպրոցա-տնտեսական հանձնաժողովների կազմը բաղկացած է 7 անձից, վորոնք են՝ — ընդհանուր ժողովի 4 ներկայացուցիչները, դպրոցի վարիչը, առուցչությունից մի հոգի, Դպրոցի Սորհրդի աշակերտ արդամներից մեկը, Պրոֆբյուրոյի մի ներկայացուցիչ:

10. Գյուղերում հիշյալ հանձնաժողովի կազմը բաղկացած է 5—6 անձից, վորոնք են՝ — ընդհանուր ժողովի 2 ներկայացուցիչները, դպրոցի վարիչը, աշակերտություն, (4-րդ խմբից սկսած) գյուղխորհրդի և փոխգեղմի մի-մի ներկայացուցիչ:

11. Դպրոցա-տնտեսական հանձնաժողովի մի ներկայացուցիչը խորհրդակցական ձայնով մասնակցում է Դպրոցական խորհրդում: Ներկայացուցիչը պետք է լինի դպրոցա-տնտեսական հանձնաժողովի այն անդամներից, վորոնք Դպրոցական խորհրդում վորեւէ ձևով չեն մասնակցում:

12. Դպրոցա-տնտեսական հանձնաժողովի ընտրված անդամներին իրենց պաշտոնում հաստատում է Լուսրաժինը:

13. Ամեն տարի հունվարին տեղի յեն ունենում է դպրոցա-տնտեսական հանձնաժողովի ընտրությունները:

14. Դպրոցա-տնտեսական հանձնաժողովներին իրենց միջից ընտրում են նախագահություն հետևյալ կազմով—նախագահ, նրա տեղակալ և քարտուղար: Նախագահության կազմում պարտադրաբար մտնում է հիմնարկի վարիչը:

15. Դպրոցա-տնտեսական հանձնաժողովի ամբողջ արդյունքը մտնում է տվյալ հիմնարկի հատուկ գումարների ընդհանուր ֆոնդի մեջ:

16. Դպրոցա-տնտեսական հանձնաժողովը տարեկան յերկու անգամ ընդ. ժող. հաշիվ է ներկայացնում իր գործունեյության մասին: Միաժամանակ հիմնարկության վարիչը տնտեսական հանձնաժողովին տեղեկացրնում է հանձնաժողովի միջոցով ստացված յեկամուտները ծախսելու կարգի մասին:

Ծանոթություն.— Դպրոցա-տնտեսական հանձնաժողովը դպրոցի վարիչի հիշյալ ծախսերը գործադրելու հետ համաձայն չլինելու դեպքում, կարող է բողոքել Լուսրաժինին:

17. Դպրոցա-տնտեսական հանձնաժողովն իրավունք չունի խառնվելու դպրոցի մանկավարժական և վարչական կյանքին:

18. Այն դեպքում, յեթե դպրոցա-տնտեսական հանձնաժողովը թերանում է իր գործում և խառնըվում է իրեն չվերաբերվող խնդիրներին, Լուսրաժինը վորոշում է հանում արձակելու հանձնաժողովը և նորըն ընտրելու:

Կ Ա Ն Ո Ն Ա Դ Ի Ր ՈՒ Թ Յ ՈՒ Ն

ՄԱՆԿԱՆ ՍՈՑԻԱԼԱԿԱՆ ՏԵՍՉՈՒԹՅԱՆ

1. Մանկան սոցիալական տեսչության խնդիրներն են.—

ա) Պայքարել մանկան անապատանություն, մուրացիություն, պոռնկություն, չարաշահություն, սպեկուլյացիայի և իրավախախտման դեմ:

բ) Պայքարել վարձու աշխատանքով ոգտվող ընտանիքների, արհեստանոցների և տնայնագործական ձեռնարկությունների կողմից մանուկներին շահագործելու և դեպի նրանց ցույց տված ապրիների վերաբերմունքի դեմ:

2. Մանկան սոց. տեսչության որդան հանդիսանում է Սոցիալական Պաշտպանության Տեսուչների Ինստիտուտը:

Սոցիալական պաշտպանության տեսուչ կարող է լինել 21 տարեկանից վոչ պակաս, դատի տակ չեղած, դատարանով իրավունքներից չզրկված յուրաքանչյուր քաղաքացի:

Մանրություն. — 1. Լ. Կ. Յե. Միություն անդամները կարող են լինել 18 տարեկանից սկսած:

2. Տեսուչների ընդհանուր թվի 50 տոկոսը պետք է զպրոցական աշխատավորներ լինի:

4. Սոցիալական պաշտպանության տեսուչները չենթարկվում են անչափահասների իրավապահպանության սեկցիաներին:

5. Մանկ. սոց. պաշտպանության տեսուչների պատանությունն է այցելել այն արհեստանոցներն ու տնայնագործական ձեռնարկությունները, վորոնք չեն ոգտվում վարձու աշխատանքով, այցելել նաև ընտանիքները՝ ծնողական և խնամակալական իրավունքներն ի չարը գործ գնելու մասին տեղեկություններ ստանալու դեպքում:

6. Վարձով աշխատող անչափահասների աշխատանքի պաշտպանության որենքների խախտում նկատելին մանկան սոց. պաշտպանության տեսուչն այդ մասին հայտնում է աշխատանքի տեսչությանը:

7. Մանկան սոց. պաշտպանության տեսուչներն անհրաժեշտության դեպքում դիմում են միլիցիայի և նման որդանների ոգնությունը:

8. Կարանավորված անչափահասներն ընդունման կայաններում մնում են մինչև գործի քննությունը վորից հետո, համաձայն հանձնաժողովի վորոշման՝ նրանք տեղավորվում են համապատասխան հիմնարկներում, հանձնվում ծնողներին կամ խնամակալներին:

Կ Ա Ն Ո Ն Ա Դ Ր ՈՒ Թ Յ ՈՒ Ն

ԱՆՉԱՓԱՀԱՍՆԵՐԻ ԿՈՄԻՍՍԻՍԻՆԵՐԻ

I

1. Անչափահասների կոմիսսիան կազմակերպում է Պավլուսթիանը՝ մանուկների սոցիալական պահպանության սեկցիաներին կից:

2. Կոմիսսիան բաղկացած է 3 անդամից, վորոնք են. — նախագահ՝ դաստիարակ (Լուսբաթնի ներկայացուցիչ), բժիշկ և Արդժողկոմատի ներկայացուցիչ (գաժառներում ժող. դատավորը):

3. Ըստ անհրաժեշտության՝ տվյալ գավառում կարող են կազմակերպվել և ուրիշ կոմիսսիաներ նույնպիսի կազմով:

4. Կոմիսսիային կից պետք է լինի քննիչ-դատարակների կոնտինգենտ:

5. Բոլոր անչափահասները մտնում են ընդունման կայանները, իսկ նրանց գործերը հանձնվում կոմիսսիային:

6. Անչափահասների կոմիսսիայի բոլոր կարգադրություններն ու վորոշումները, ինչպես գործի քննության ընթացքում, նույնպես և այն ժամանակ, յերբ անչափահասները գտնում են քննիչ-դատարակների պատասխանատու հսկողության տակ, պարտա-

դիր են բոլորի համար: Սույն վորոշումները կատարող անձանց՝ ամենալայն աջակցություն պետք է ցույց տա վարչական իշխանությունը:

Կոմիսսիաների վորոշումները չկատարելը կամ նրանց դեմ գնալը, ում կողմից էլ լինի դա, կընկատվի վորպես քրեական հանցագործություն և կ'ենթարկվի դատական պատասխանատվության:

7. Անչափահասների մասնակցությունը հասակավորների կատարած հանցագործության արձանագրությունները, նաև 16-ից բարձրահասակ անչափահասների կատարած հասարակականպես վնասակար գործողություններին, ինչպես որինալ՝ սպանություն, ծանր վերքեր հասցնելու, ավաղակություն, թալանելու, հրդեհելու, դրամանիշներ ու զոհումհետներ կեղծելու, կաշարակներից յուրացումներ և խողոր սպեկուլյացիա կատարելու մասին կազմված արձանագրությունները 24 ժամվա ընթացքում հանձնվում են ժողդատավորին (կոմիսսիայի անդամ): Վերջինս արձանագրությունները ստանալուց հետո, 3 օրվա ընթացքում պարտավոր է քննել անչափահասի հանցագործությունը և ներկայացնել կոմիսսիային զեկուցում, ընդգծելով անչափահասներին վերաբերվող կետերը. բացի այդ՝ պետք է դատի և քննության մինչև զեկուցում լսելը կոմիսսիայի վորոշները, սակայն մինչև զեկուցում լսելը կոմիսսիան դատավորի գործողություններին խառնվել չի կարող:

II

8. Կոմիսսիայի իրավասության ներքո յեն մինչև 18 տարեկան յերկու սեռի պատկանող անչափահասները:

9. Կոմիտեի քննում է անչափահասների գործերը համաձայն. ա.—համապատասխան պետական ու հասարակական հիմնարկների. բ.—ծնողների, բարեկամների ու մասնավոր անձանց, գ.—իր սեփական արձանագրությունների ու հայտարարությունների:

10. Կոմիտեի պարտավոր է հանցագործ հասակավորներին յենթարկել դատական պատասխանատվության, անհապաղ ժողդատարանին հանձնելով նրա գործերը՝

ա) Անչափահասներին տվյալ հասարակական հանցագործությունը գրգելու համար:

բ) Անչափահասների չարագործությունը մասնակցելու համար:

գ) Անչափահասներին պոռնկություն գրգելու և

դ) Անչափահասների աշխատանքը շահագործելու համար:

11. Կոմիտեի պարտավոր է համապատասխան հիմնարկների առաջ միջնորդություն հարուցել անչափահասներին այս կամ այն ոգնությունը հասցնելու, ինչպես որինակ՝ նպաստ, անձնական վկայականներ, գովումներ և այլն բաց թողնելու համար:

III

12. Կոմիտեի նիստերը պետք է գոնիակ լինեն. նիստերին ներկա չեն լինում միայն կոմիտեի անդամները, քարտուղարը և հնարավորության դեպքում՝ նաև անչափահասի մասին նյութեր հավաքող քննիչ դատախարակը:

13. 16—18 տար. անչափահասների գործերը

քննելիս, ժողդատարաններում նրանց կադմի մեջ վճռական ձայնի իրավունքով մտնում են կոմիտեի անդամները:

14. Անչափահասների կոմիտեի գործունեությունը ընթացքում նրանց զլխավոր ոգնական հաշվառում է քննիչ-դատախարակների ինստիտուտը:

Մինչ գործի քննությունը քննիչ-դատախարակը անչափահասի մասին նյութեր է հավաքում, վորոնք անհրաժեշտ են ուսումնասիրելու այն միջավայրը, վորտեղ նա յեղել է և առաջ յեկել կատարած իրավախախտումն առաջ բերող պայմաններն ու պատճառները:

Քննիչ-դատախարակից տեղեկանալով այս բոլորի մասին, կոմիտեի մանրամասնորեն ծանոթանում է գործին և մանկանը ուղարկում, նախ՝ հանցագործություն չափին ու վորակին, նորմալ մանկատները կամ, յեթե դժվար դատախարակություններ են՝ բարոյագիտ դեֆեկտիվների դպրոցը և կամ հանձնում ծնողներին ու խնամակալներին:

Թ Ե Ձ Ի Ս Ն Ե Ր

ԱՇԱԿԵՐՏԱԿԱՆ ԻՆՔՆԱՎԱՐՈՒԹՅԱՆ ՄԱՍԻՆ

1. Մեր դպրոցի նպատակն է յերեխային տալ այնպիսի դաստիարակութիւն, վոր նա դառնա հասարակութեան պետանի անդամ: Կենսութեան, առողջ, աշխատունակ, ոժտված հասարակական բնագոյներով, կազմակերպչական ունակութիւններով և աննկուն պայքարող՝ բանվոր դասակարգի իղյայներէ համար, շինարար՝ կոմունիստական հասարակակարգի:

2. Խորհրդային դպրոցի ինքնավարութիւնը յերեխաներին կառավարելու մի միջոց է և վոչ ել մեթոդ՝ նրան գործնականապես սովորեցնելու պետական սահմանադրութիւնը, այլ աշակերտական ինքնագործունեութեան կազմակերպութեան—ինքնակազմակերպութիւն:

Աշակերտական ինքնավարութիւնը ձգտում է կազմակերպել իր անդամների կողբեկտիվ աշխատանքը և հասցնել դա արտադրականութեան բարձր չափին: Դրա համար աշխատանքը պետք է բաշխվի նպատակահարմար ձևով՝ ըստ տարիքի, հասունութեան, դպրոցի տիպի և այլն:

3. Կողբեկտիվ աշխատանքն է հանդիսանում գլխավոր կազմակերպող ֆակտորը: Դա յեկ հանդիսանում է աշակերտական ինքնավարութեան դարգացման նախապայմանը:

4. Ինքնավարութեան ձևերը չպետք է թելադրվեն դրսից, այլ բղինն դպրոցական կյանքի կազմակերպման կարիքից և կազմակերպվեն աշակերտութեան հասարակական դարգացման պրոցեսում: Այդ ձևերը, բնականաբար, կարող են փոխվել՝ նայած աշակերտների գիտակցութեան աստիճանին և կազմակերպվածութեանը: Ուստի դպրոցներին չպետք է տրվի միաձե պատրաստի կանոնադրութիւն, այլ տեղերին թողնվի այդ աշխատանքը կատարել՝ հիմնված տվյալ դպրոցի յայտմանների և սույն թեղիաներում արտահայտված սկզբունքների վրա:

5. Աշակերտական ինքնավարութիւնը պետք է արտահայտվի աշակերտութեան ընդհանուր, հարկ յեղած դեպքում՝ նաև խմբակային համախմբումներով և քնդգրկի դպրոցի հասարակական-քաղաքական, ուսումնական-գիտական, գեղարվեստական, ֆիզիքական, առողջապահական, կարգապահական, փոխադարձ ոգնութեան և գործունեութեան այլ բնագավառները, վորոնցից յուրաքանչյուրի համար ստեղծվեն մարմիններ՝ բնարական սկզբունքով:

6. Աշակերտական ինքնավարութ. դեկավար ամենաբարձր մարմինն է Աշակերտական ընդհանուր ժողովը, վորն ընտրում է Աշակերտական խորհուրդ: Վերջինս իր գործունեութեամբ կապվում է մի կողմից Դպրոցական խորհրդի հետ ներկայացուցիչների միջոցով, մյուս

կողմից վարում եւ աշակերտութեան դպրոցական—հասարակական կյանքը: Աշակերտական խորհուրդն ընտրվում եւ ամենամեծիմ աշակերտներից՝ առանց նկատի ունենալու վոր խմբից լինելու հանգամանքը:

Թուժքն իրքն հասարակական առանձին միավորացաւ կամ այն գործում կարող եւ ռենեսալ իր նախաձեռնութեամբ. ուստի աշակերտի դեպքերում կարող են ստեղծվել դասարանական ժամանակավոր կոմիտեաներ, վորոնք իրենց աշխատանքը վերջացնելուց հետո անմիջապէս պետք ե լիկվիդացիայի յենթարկվին: Աշակերտով, դասարանական մշտական մարմիններէ գոյութեամբ մերժվում ե:

7. Ինքնավարութեան աշխատանքներում աշակերտութեանը պետք ե գործակցի ուսուցիչը կամ ուսուցչութեանը, նամանավանդ կուլտ-կրթական սեկցիոն աշխատանքներում: Սակայն ուսուցիչը կամ ուսուցչութեանն իր հեղինակութեամբ չպետք ե ձնչի յերեխաներին, այլ աջակցի նրանց՝ ինքնագործունէութեան բոլոր հնարավորութեանները պահպանելու պայմանով:

8. Ինքնավարութեան գործում Լ.Կ.ՅԵ.Մ. ե Պրոներական կազմակերպութեանը չեն ոգտվում տաանձին իրավունքներով: Սակայն նրանց դերը մեծ ե քաղաքական-հասարակական դաստիարակութեան ե դպրոցական շինարարութեան գործում, այլե իրենց շարքերը գրավելու նոր անդամներ, դպրոցը կապելու աշխատավոր յերիտասարդութեան, պատանեկութեան ե բանվոր դասակարգի բնդհանուր շարժման հետ:

9. Լ.Կ.ՅԵ.Մ. ե Պատկոմ. կազմ. աշակ. ինքնավարութեան մեջ հանդես են գալիս՝ առաջինն իր բջիջով

ե յերկրորդը՝ ֆորպոստով: Սրանցից յուրաքանչյուրը մի-մի ներկայացուցիչ ե տալիս Աշակերտական խորհրդում:

10. Աշակերտութեանը ձայնի իրավունքով ունի իր ներկայացուցիչները Դպրոցական խորհրդում:


11. Աշակերտական ինքնավարութեանը չպետք ե սահմանափակվի միայն տվյալ դպրոցի ներքին գործունէութեամբ: Դպրոցական ամբողջ կոլլեկտիվը պետք ե ձգտի կապ հաստատել մշուսի հետ՝ գործնական հողի վրա միացալ աշխատանքներ տանելու համար: Այս տեսակետից շատ ցանկալի յե դպրոցներում հաստատել փոխադարձ շեֆութեան, լինի քաղաքի թե գյուղի դպրոցներում: Շեֆութեանն արտահայտվելու յե միջանց բոլոր հնարավոր ոժանդակութեանները ցույց տալով:

12. Անհրաժեշտ ե նույնպիսի կենդանի կապ պահպանել զանազան բանվորական հիմնարկների ու գյուղյերիտասարդութեան կազմակերպութեանների, այլե մտտակա գործարանների, արհեստանոցների, խորհրդ. տնտեսութեանների ե այլ ձեռնարկների հետ ե ոժանդակել՝ վերացնելու անգրագիտութեանը, գրադարան-ընթերցարանի, աղումքի, հանդեսների կազմակերպման գործում ե այլն: Իսկ ձեռնարկական կապն ապարդշուն կանցնի աշակերտութեան հասարակութեան դաստիարակութեան տեսակետից:

13. Իր պարզ ձեով ինքնավարութեան կարող ե լինել նաե մանկապարտեզներում: Այստեղ յերեխաների անհատական մղումները ինթարկվում են կոլլեկտիվին՝ խաղերի, գրամատիկացիայի, յերգի ժամանակ ե այլն: Կարգապահութեան ինթիքները ե զանազան յերեւոյթների ու վարմունքի գնահատութեանը հատուկ ե մանկապարտեզի յերեխաներին ես:

Յ Ա Ն Կ

1. Աշխատանքային Միասնական Դպրոցի
2. Գավառական Մեղոթական Բյուրոյի
3. Ռայոնական Մանկավարժական Խորհրդի
4. Պիոներական ֆորպոստերի
5. Դպրոցական կոոպերատիվի
6. Դպրոցական տնտեսական հանձնաժողովի
7. Մանկան սոցիալ-տեսչության
8. Անչափահասների կոմիտեաների
9. Թեղիսներ. Աշակերտական ինքնավարութ. մասին



ՀՀ Ազգային գրադարան



NL0863951

1
2406

• ԳԻՆԸ 10 ԿՈՊԵԿ